

10.

D E
S. JULIANA
FALCONERIA

VIRGINE FLORENTINA

Tertii Ordinis Servorum B. M. V. Fundatrice

O R A T I O

Romæ habita in Templo S. Marcelli xiii. Kal. Julias
Anno 1738.

AD EMINENTISSIMOS, AC REVERENDISSIMOS

S. R. E. CARDINALES

A

F. CALLISTO MARIA PALOMBELLA

SACRÆ THEOLOGIÆ MAGISTRO,

Ordinis Servorum ejusdem B. M. V. Procuratore Generali,
nec non S. Rituum Congregationis Consultore.



ROMÆ, MDCCXXXVIII.

Ex Typographia Komarek in Platea Sciarre in Viâ Cursûs.

SUPERIORUM FACULTATE.

ALPHACOLIA

THE NEW YORK PUBLIC LIBRARY

ASTOR LENOX TILDEN FOUNDATION
1215 6TH AVENUE
NEW YORK

1911

ALPHACOLIA

ALPHACOLIA

ALPHACOLIA



ALPHACOLIA

AD LECTOREM.



*H*ujus Orationis, vel potius Sermonis Author, quumquam à pluribus nec ulti- quidem subfelliis Viris interpellatus, ad illius editionem permittendam nullâ unquam ratione suaderi potuit. Cum enim ei à nonnullis objiceretur summa illa benignitas, quâ à plerisque magnâ etiam nota. Auditari- bus excepta fuerat; se probè nosse repo- nebat, illa itum, quæ propter latentem quamdam vi- uacis energiam aures quandoque mulcere solent, non rard animos ir- ritare, dum oculis fidelibus subji- ciuntur. Addebant alii typis man- dandam Orationem, quâ fidelium religio, atque pietas in San- ctam JULIANAM faciliè accenderetur, cui corporis, animique salutem debere Author ipse profitebatur. Verum tepe fieri po- tius, quàm accendi pietatem ipse metuebat eâ dicendi incon- cinnitate, quâ tantæ Virginis virtutes haud ornari quidem, sed obscurari penitus arbitraretur. Alii tandem urgebant, latam, hinc, regiamque sibi opportunè viam adaperiri, ut qualecunque obsequentiis, gratique animi monumentum CLEMENTI XII. Pontifici Optimo, Sanctissimoque exhiberet, cui nedum MARIE Servorum Ordo Universus, sed ipse in primis Author innumeris fermè titulis obstringebatur. Nec cum sanè latere, PHILIP- PUM Benitium a S. M. CLEMENTE X. Sanctorum fassus adscri- ptum; JULIANAM verò ipsam a Ven. Servo Dei INNOCEN- TIO XI. inter Beatas Christi Virgines adnumeratam, NEREO Seniore S. R. E. Cardinali Corsino ejusdem Ordinis Protectore Vigilantissimo utramque causam enixius urgente. LAUREN- TIUM deindè, ut Magni NEREI Nepotem Maximum, ita ejus amoris heredem, ALEXII non modò Falconerii, aliorumque sex Beatorum ejusdem Instituti Patriarcharum Cultum procurasse, atque solemnè Peregrini Foroliviensis Canonizationem obtinuis- se; verum etiam in Urbis, & Orbis felicitatem ad Petri So- lium divinitus evectum, NEREO Juniore, hereditario quodam Avitæ Pietatis impulsu, MARIE Servorum gloriam in dies pro- movente, JULIANÆ Falconeriæ Apothecis celebrasse, eam- que proprio etiam Officii, & Missæ Ritu Universè per Orbem, Ecclesiæ colendam præcepisse: ita ut hæc omnia, & alia bene multa, quæ hujus loci non sunt, seridè perpendenti Mariana

praesertim Religionis bono, ac decori Nobilissima Corsinorum Progenis, Immortalis Dei beneficio, adita fuisse, jure meritoque videri posset. Sed nec ista quidem Authorem vicerunt existimantem injuriam potius tanto Principi se irrogaturum, si vel Eius, vel Suorum Nomine praeclarissimo inculta superbi- ret Oratione, quae sempiternis quinimodò tenebris involvi crederetur; se quidem Pontificis Illius Clementiae post Deum omnia debere; satius tamen sibi esse morem illius Gentis imitari, quae labilis digito obstru- ctis solem venerabatur, quam pauca, & inconcinna vel in Eius laudem, vel in gratiarum actionem effutire. Quoniam ergo nihil potuit ratione impetrari, Suprema tandem au- thoritate pugnandum fuit, quod solus compulsus Author volens volens cessit autographum Orationis, quae nunc in publicam, prodit lucem. Hanc si, candide Lector, bono excipias animo, tuae benevolentiae adscribendum erit; si verò despicias, in ipsius Authoris sententiam descendes. Vale.



O R A T I O.



JULIANAM FALCONERIAM, EE. ac RR. Patres, quæ ut ad Nuptiale mystici Sponsi Convivium admitteretur, lampadem Fidei Sanctis ornatam operibus oleo Charitatis continenter instructam, accensamque servaverat, inter Prudentes hodierni Evangelii Virgines recensendam esse, ut vestro nuper calculo, ita nunc Prasentiâ vestrâ comprobaretis. Quâ enim die Nicæni Antislites ad naturalem Verbi Divini cum Patre Unitatem declarandam convenère, hæc eâdem Vos, EE. Ecclesiæ Principes, unanimi Religionis ardore coactos video ad beatissimam illam, atque individuum FALCONERIÆ Virginis cum Verbo Sponso unionem concelebrandam, quam ipsâ Virginitatis dote, Prudentiâ pronubâ, perfectione Charitatis hodiernâ pariter luce promerita sibi est.

Atque utinam sacræ hujus Sponsæ Epithalamium eo grandiloquentiæ nitore concinnare mihi datum esset, qui & eximie illius Sanctitati responderet, & Senatûs Vestri Majestati.

At si cuncta Corporis mei membra verterentur in linguas, & omnes artus humanâ Voce resonarent, nihil dignum solâ ipsâ Julianæ Virginitate dicerem, cujus ne ortus quidem, & infantia vacua laudis est. Eo namque tempore in lucem Florentiæ prodiit, quo steriles, & confectâ jam ætatē Parentes Sacram Basilicam in Deiparâ ab Angelo Salutatâ honorem pari magnificentiâ, & pietate moliebantur; ut nimirum ipsâ nascendi conditione intelligeret, quamdam sibi veluti filialem Virginis Ancillæ Imaginem exprimendam fore.

Matth. c. 25.

Carchus in idē cap. aliq; interp.

V. 13. Kal. Jul.
Baron. ad an.
325. n. 9. Lab.
Conc. to. 2.S. Hier. ep. 27.
in Paulam.

Et re quidem ipsâ infantiles sponte suâ manus junctim attol-
lens, non Patrem, non Matrem dulcia naturæ nomina; sed Jesum, sed
Mariam suavissima gratiæ vocabula lætentibus adhuc labellis ante
omnia proferre audita est: Ac si jam inde Genitoribus, & Sponso re-
nuntiaret in terris, quæ Matrem, & Sponsum in Cœlis jam inve-
nisset.

Quoniam verò Matrem Simeonis gladio transfixam, Sponsum
spinis coronatum adverterat, ipsam quoque cerneret Julianam,
puritatis imitandæ studio, compescendæque vanitatis, sicut li-
lium inter spinasadolescere; insertisque sub crinium ornamento
acicularum aculeis tenellum Caput ingeniosè compungere; atque
foedus pangere sempiternum cum oculis suis, ut nec de facie homi-
nis, nec de muliebri quidem speculo unquam inspiciendo cogi-
taret; quòd Speculum sine maculâ in mentis oculis indefinenter
haberet. Cumque jam tùm probè nosset, Orationem Virginitatis Si-
gillum esse, Pudicitæ præsidium, atque tutamen, inter consulares
Atavorum, Patrisque fasces, atque divitias, unius Cellulæ clau-
sa angustiis, latitudine Paradisi fruebatur: itaut Beatus Ale-
xius secundum carnem Julianæ Patruus, spiritu Parens purissi-
mam Virginis mentem admiratus, ejus Matri dicere non
dubitaverit, ipsam non Puellam, sed Angelum peperisse.

Cant. 2. 2.
Job. 31. 1.
S. Greg. Nyss.
de orat.
Hier. Epist. in
Astellam.

Hæc, PP. EE., puerilia nostræ Julianæ crepundia fuere,
quibus ceu tyrociniis amplissimo certamini ejus adulta Virginitas
pararetur. In eam siquidem vix pubescentem quasi conjuratione qua-
dam armatur integra Consanguineorum Corona, ut ad præclarissi-
mas nuptias vel invitam raperent, vel reluctantem. Quanto terrora
egit Mater, ut timeretur, quantis blanditiis, ut Filix suaderet Pa-
terni præsidium germinis, quod in eâ solâ acquiescens, per eam uni-
cè reparandum sperabatur? Torquebantur Julianæ viscera non
timore, sed virtute, non amore servandæ stirpis, sed materni do-
loris pietate, cumque Virginali proposito pugnat obediencia
filialis.

Nihil tamen obtines, nihil proficis liliq Virginali semper infe-
sta callidi Serpentis astutia, & Julianâ ad Christum, atque Dei-
paræ fundente lacrymas, tu deficis insidiis tuis. Superari pietas in
Virginem Matrem terrenæ Genitricis amore, & auctoritate non po-
tuit; non potuit Divini Sponsi desiderium, aut spe filiorum, aut car-
nalium nuptiarum illecebris vel minimùm hebetari. Vicit Julia-
na sexum, vicit puritatis hostem; & quod victoriæ cumulo accessit,
eosdem Consanguineos, ipsamq; Matrem in sui propositi sententiam
pertraxit. Aureo deinde propriis manibus detonso capillamento, pe-
reat, inquit, in servatæ Virginitatis trophœum, pereat forma.

Cor-

Corporis; quod amari potest oculis, quibus nolo; & læta pro Voto, festina præ gaudio, religiosa pro officio ad Annuntiata Virginis Aram, ad pudicitia scilicet Asylum accurrit: ibique flexis coram Benitio genibus, profusisque lacrymis, pullatâ Dolorosâ Matris veste, Christi que Flammeo jure, meritòque obnubitur, quod Cælesti Sponsò carnem, & sanguinem tam egregio facinoræ posthabuisset.

Attollat modò infernis emissus latebris Coluber perfidia Caput, & serpentinis evomat venena pectoribus, ut oppigneratam, Christo fidem temeret professâ Virgo. Promat ex Averni Specu, objiciatque Julianæ nedum menti, sed sensibus blandulos lusus lallantium filiorum, Nuptarum delicias, Seculi oblectamenta, Imagines denique turpitudinum obsceniores. Addat verbera, blandimentis, & funestissima spectra, cunctaque in eam Diaboli tormenta convertat. Quid propterea? Nullum ab ea vel impuritatis indicium, vel impatientia signum, vel, quod magis mirere; ociosum deliberatè verbum extorquere unquam poterit. Augebit quinimodò gloriam, dum aggerat pœnam, & Virginitatis liliò Martyrii quoque palmam sociabit.

Nonne porrò longum Martyrii genus est, nudipedem semper incedere; quartâ, & sextâ seriâ omni prorsus abstinere cibo; singulis autem quibusque Sabbathis modicum panis frustum, & puram, ut quotidie solebat, aquam excipere; reliquis verò diebus jejunium pro ludo habere, inedia pro refectioe, vel eâ vilium ciborum parsimoniâ vesci, quæ famem non depelleret, sed irritaret?

Nonne longum Martyrii genus est, idem terræ solum, & Orationis locum, & quietis habere; Crura, & brachia nodosis funiculis, Virgineos lumbos aculeatâ, ferreâque zonâ æternum perstringere; totum denique Corpus quotidianis, dirisque adeò flagellationibus cruentare, ut penè exanimis quandoque deficere videretur?

Tanti, Auditores, & eo amplius Julianæ constitit contra Sathanae insidias intemperatæ Virginitatis custodia, ut meritò cum Tertuliano, & Ambrosio repetere valeamus: Majus esse in castitate vivere, quàm pro ea mori: nec ideo laudabilem Virginitatem, quia in martyribus reperitur; sed quia ipsa martyres faciat.

Confundatur hic prudentia carnis quantum amica sibi, tantum inimica Deo, & ad Julianæ prudentiam erubescat, dum audit nobilissimam Virginem, delicatamque, carnem crucifixisse eam vitiis, & concupiscentiis suis, nec nisi per Crucis scalam ad Sponsi thalamum ascendisse. Hæc nimirum prudentia, sanctorum est, cujus lumine ubertim persusa, virginitatis candorem nedum martyrii laurea, sed & munere decoravit fecunditatis.

Mon-

S. Ambr. de
Virg. lib. 1.

Idem lib. 2. in
cap. 2. Luc.

Hier. in Asel.

Ibidem.

Tertul. Exhort. ad Cast.

S. Amb. lib. 1.
de Virg.

Ad Rom. 8. 17.

Ad Gal. 5. 24.

(VIII.)

Monstrum dixisse videar; sed iis tantum, qui nesciant ipsam virginitatem prudentiæ sociatam parere didicisse, postquam Virgo Mater gignere Christum potuit, eamque sibi Christus Sponsam elegit Ecclesiam, cui nec Virginitas fecunditatem, nec fecunditas adimeret virginitatem. Evangelicis itaque virginibus Juliana prudentior, ut castimoniam simul honorem, & gaudia matris haberet, oleum suæ virtutis, & meriti, quod virgines illæ quinque fatuis denegarunt, cum innumeris propemodum liberalissimè communicavit. Mirentur viri, non desperent parvuli, stupeant nuptæ, imitentur innuptæ. Quintum enim decimum vix ætatis annum egressa, propriam quidem renitente humilitate, sed Sanctorum Philippi, & Alexii urgente præcepto, Tertium Mariæ Servorum Ordinem instituere cœpit, Prudentiæ Magisterium adimplens, quæ præjudicium vehebat ætatis.

Amb. de Virg.
lib. 1.

Math. c. 25.

Cum autem hujus virtutis officium sit, terrenis divina præferre, & ordinem rebus, modumque imponere, Domi primum suæ Mariæ Servitutis fundamenta jecit: neque enim Albitio tantum Consobrino suo, ut primo Mariæ Servorum Instituto nomen daret, felicissimè persuasit; sed Biliam quoque, Guiducciam, atque Franciscam & Escloneriam pariter Gente illustres, opulentasque Matronas, ac denique Matrem ipsam, quæ Julianam carne pepererat mundo, in Mariæ famulatum adoptatas lumine prudentiæ suæ peperit Christo. Integrâ tandem Parentum, pluriumque Cognatorum substantiâ in Christi Pauperes, & Ancillas dispersâ, vel Familiam totam Religiosam fecit, vel totam Religioni mancipatam.

Prov. 31. 10.

Prudentissimæ tamen Virgini domestica tantummodò spolia, splendida quamvis, & opima, Cælesti Sponsò minùs digna videbantur, nisi *sutta quasi Navis Institoris de longè portans panem suum*, Alienigenas etiam in Thatamum Divini Salomonis adduceret.

Ex S. Cyp.
Ep. 1.

Obstilet equidem ejus prudentiæ conatibus illorum perversitas temporum. Madet enim Civico Florentia sanguine, & homicidium, cum admittunt singuli, crimen est; Virtus vocatur cum publicè geritur. Inter leges ipsas delinquitur, inter jura peccatur; nec illic, ubi defenditur, reservatur innocentia. Flagrant ubique delicta, & passim multiformi genere peccandi per improbas mentes nocens virus operatur. Consensere jura peccatis, & cœpit licitum esse, quod publicum est: adedò humanæ, divinæque res acerbissimarum rabie factionum susdeque vertuntur. Verum, quis credat? ad unius Julianæ vocem, & exemplum tota Urbis facies repente mutata est. Cives in mutuam perniciem, mutuamque vulnus armati, abiectis armis, ad pacifica consilia convertuntur. Devonentur

to Pudicitia Deo ipse victimæ libidinum publicarum Matronarum, ac Virginum nobilissima, sæculi pompis, mundique vanitate despectâ, ad sacrum Julianæ Gynæceum certatim accurrant, Institutum illius, & sanctitatem imitaturæ.

Discretionis etenim, & Prophetiæ Spiritu afflata, talia morum præcepta condidit, talem ipsa vitæ rationem instituit, ut quemadmodum Virgines ex Cælesti odore dignoscebat, ita plerasque insuarum virtutum odorem pertraheret. Nihil illius severitate jucundius, nihil jucunditate severius; nihil suavitate tristius, nihil arstitiâ suavius. Ita pallor in facie erat, ut cum continentiam indicaret, non redoleret ostentationem. Ita Magistræ autoritate dominabatur, ut cum esset omnium Mater, omnium Ancilla videretur. Nam & honore Subditas prævenire, & fune ad collum alligato, flexoque poplite illarum consortium effagitare, & villioribus quibusque muniis se totam demittere, & omnem denique implere justitiam tam solemne habuit, ut non eam prudentem esse, non humilem, sed prudentiæ, humilitatis, & probitatis imaginem facile credidisses.

Hier.in Ascle

Quid ergo miremur, tanto vitutum omnium, & doctrinæ temperamento Julianam promeruisse, ut quot ferè discipulas crudiret, tot Sanctissimas Christo Sponsas dedicaret? Prætereo ingentem illarum numerum, quas vel perse ipsam, vel per filias deinde suas adhuc cælo germinare non cessat; ne, PP.EE., longius abutar patientiâ vestrâ. Benitiam tamen, Soderinam, Palmeriam, Uguccionias, & Joannam Corsinam quod sanctiores, eò chariores Julianæ Alumnas nominare saltem liceat: quo nempe arcano divinæ sapientiæ consilio factum fuisse constet, ut post quatuor sæculorum vota Julianæ Apothecis ad hæc usque tempora celebranda reservaretur, quibus CLEMENS XII. Pontifex verè Optimus, Maximusque, patrio cælo, virtute, ejusdemque Religionis amore nostræ Virgini conjunctissimus, inter prudentes Agni sponsas eam recenseret, quæ ex præclarissimo Corsino Stemmate Joannam Virginem, aliasque Affines Sponso cælesti consecraverat.

Consecraverat utique; & modum sanè prudentia docuit, sed charitas imperavit. Charitas, inquam, illa, qua sicut omnia pro Christo contempsit, sic omnia ad Christum pertrahere conata est. Charitas imperavit, imò etiam effecit, ut in pauperibus, ægrotisque Dominum ipsum tam impensè veneraretur, ut illorum etiam ulcera & deosculando lambere, & lambendo mirabiliter sanaret. Charitas effecit, ut cum dilectum suum semper alloqui, dilecto tenaciùs uniri, totaque in dilectum absorberi, transformarique percuperet, ad quatuor supra viginti horarum spatium orationem non rarè protraheret, & eleva-

to sapissimè corpore in diuturnas ecclases raperetur. Charitas effecit
 Sed quid non effecit, quid non perfecit in eâ charitas? cujus tam
 immenso in Deum æstuat ardore, ut non solum quidquid illius Imaginem
 ledere utcumque posset, diligentissimè in se præcaveret, in aliis
 verò, & perpetuo lacrymarum imbre, & proprii sanguinis effusione
 delere niteretur: sed, quod superat omnem fidem, audito solum peccati
 vocabulo, tota & animo, & corpore contremisceret? quin etiam
 aliquando cujusdam sceleris narratione perculsa, ac si tacta de cœlo
 fuisset, exanguis propè, ac semimortuus provoluta hūmi est. Quem-
 admodum enim propter arctissimum illud animum inter & corpus
 naturæ vinculum, ad corporis vulnera languescit animus, & *spiritus*
tristis exiecit ossa; haud secus amantissima virgo unus cum Deo spi-
 ritus per charitatem effecta, vix auditâ Sponsi cœlestis offensâ adeo
 concutiebatur, ut, cum eo in Gethsemani tabescens appositè conquæ-
 ri potuisset: *Desectio tenuit me pro peccatoribus derelinqnentibus*
legem tuam.

Prov. 17. 22.

Psal. 118. 53.

An verò in Hortum dumtaxat? immò & in Crucem cum Christo
 ascendere concupiscens, importunis, sermè dixerim, obsecrationibus,
 à Martyrum Reginâ impetravit, ut quos in Cruce filius, Mater sub
 Cruce dolores perpeffa fuerat, ipsa quoque magnæ Dominæ Ancillâ
 in corde pateretur.

Oh charitatis immensitatem! Oh charitatem Virginis dolorosè
 spiritu verè dignissimam! Dilectum Sponsum non in Thabòris nubè
 gloriosum, sed in Golgatha spectare morientem; ejusque acerbissimum
 doloris sensum veluti fasciculum myrrhæ inter cordis ubera tam stu-
 diosè confovere, ut quasi rapinam sibi metuens, exclamare frequen-
 tissimè consuefceret: *Nemo rapiat à me amorem meum Crucifixum*.
 Quasi dicere voluisset: Rapiat à me quicumque velit, divini amoris
 dulcedinem, saporem, suavitatem. Hæc non contemno quidem, sed
 neque sitio: sitio poenas, sitio dolores, amorem ipsum sitio, sed Crucia-
 fixum. Is per se sufficit, is per se placet, & propter se. Ipse meritum;
 ipse sibi præmium est amor. Dilectum sanè cupio candidum, & rubi-
 cundum, sed candidum in Patria, rubicundum in via; candidum in
 Patris dexterâ, rubicundum in sinu Matris; nec tam sanguine suo,
 quàm doloribus meis rubicundum: Nemo itaque, nemo rapiat à me
 amorem meum Crucifixum.

Cant. 1. 12.

Bern. in Cant.
serm. 83.

Cant. 5. 10.

Cant. 8. 6.

Ecquis enim verò rapere ab eâ unquam possit, cujus dilectio for-
 tior morte fuit, & Inferno durior amulatio? Cum enim die quadam
 vehementioribus contra datam Christo sponfionem Dæmonis tenta-
 tionibus urgeretur: *Dominè*, inquit, *crudelis hujus Adversarii sitim*
exple; exple, inquam, mi Jesu, meque in Infernum deicias: si enim
ibi cruciabor, offensam saltem tibi non irrogavero.

(XI.)

Insanire fortasse nonnemini Juliana videbitur, dum impossibilia petit, Dei scilicet amantem ad Inferna detrudi, & charitate servata cum reprobis æternum cruciari. Et insanit profecto, fateor; sed Bernardo teste, sapientissima hæc perfecta charitatis insania est, in Moyse, & Paulo à Patribus celebrata. Juliana siquidem superno quodam excessu divini amoris abrepta, & gehennæ poenas longè minùs, quàm formidatam Sponsi cœlestis injuriam exhorrens, ut ostendat, malle se Sponsi deliciis perpetuò carere, quàm vel per momentum ab ejus gratiâ deficere, ac possibile magis esse charitatis flammam cum ardoribus habitare sempiternis, quàm se à Christi charitate separari; nedum incredibilia, verùm etiam impossibilia tentare se velle gessit; & si dari posset occasio, amorem suum etiam impossibilium futurum fuisse victorem.

Ber. ser. 77. in Cant. & alibi. Guillel. de nat. & dignit. am. cap. 2. V. Chrysostr. hom. 16. & 17. in Rom. & hom. 4. in Phil. August. q. in Exod. c. 147. & serm. 88. de verbis Evang. & alios.

Omnia quippe aut vincit, aut vincere se posse putat nostræ Virginis amor, qui Deum ita sibi devinxit omnipotentem, ut omnium miraculorum maximo novum adderet, inauditumque miraculum. Ad extremum namque redacta spiritum, Eucharistico recreari Pane ardentissimè concupiscit. Verùm ob indignantis stomachi vitium voti compos minimè facta est. Oculari saltem petit, quo pasci jam non liceret. Sed repellitur ob Sacramenti reverentiam.

Quid faceret immensa charitas repulsam passâ, Sponsique Viatico destituta? Lacrymatur, dolet, angitur, æstuat, jamjamque deficit desolatissima Virgo; itaut ad placandam quòquomodo æstuantis amoris vehementiam, Virgineo pectori sacram Hostiam admovere necesse fuerit. O rem planè mirabilem, & omnibus retro sæculis inauditam! Hostia vix admota disparsens, Cor Virginis miro compendio penetravit; ac trigeminæ quodammodo gratiæ munia distribuens, Cordi Julianæ Dominicum corpus, ejus lateri & formam panis, & Crucifixi amoris effigiem impressam reliquit; ut videlicet sensibile Sacramentum, ipsamque Sacramenti rem insensibilem, quam in ore, & corde semper habuerat, in purissimo quoque suæ carnis sacrario novo sanè prodigio visibiliter circumferret. Eodem verò temporis momento Falconeria, squalido vultu in Angelicam speciem commutato, *innixa super dilectum suum*, eumque jucundissimè compellans *Dulcis mi Jesu* O verè pretiosam, beatamque mortem, immò dignissimum tantæ Virgine triumphum, quæ Christo Virginitate placens, Prudentiâ nubens, consummata Charitate, nec annulo tantùm fidei, sed ipsâ vivâ Sponsi Imagine subarrhata, inter sacratissima Eucharistiæ convivia, ad Nuptialem immortalis gloriæ Thalamum, ac si in extasim raperetur, felicissimè convolvit.

Cant. 8. 5.

Eja itaque prudentissima Virgo, de beatissimo illo, quo fueris

ris

(XII.)

ris tuæ charitatis centro, respice benigna Sanctissimum Pontificem Nostrum, qui, cum propriæ salutis, adeoque totius Orbis periculum tuæ glorificationi litaverit, Annos illi, quæso, adaugeas de nostris annis; & cui solemnem debes in Ecclesia cultum, omnium per Te Nationum Colla Apostolico illius Throno subiiciantur. Respice etiam amplissimum hunc, Purpuratumque Patrum Senaturn, ut, qui tuam moribus Puritatem, Prudentiam legibus, opere, & veritate Charitatem imitantur, & colunt, ita quoque eas per te exprimere nunquam desistant. Universam denique militantem Ecclesiam clementer aspicias: & quæ bella tuæ Patriæ plusquàm civilia, compefcuisti, totque miraculorum gloriâ coruscasti, utere jam potentiâ tuâ, & furentia Turcarum Arma in eorum damna converte, ut Crucis Vexillum, quo divinitus obsignari meruisti, Africa iterum tota, totaque Asia tandem aliquando veneretur.



12. 11

DE ROMANA
SANCTI PETRI
PRINCIPIS APOSTOLORUM
CATHEDRA

ORATIO
HABITA
IN BASILICA VATICANA

XV. Kal. Februarias MDCCLXXI.

A

PETRO PAULO LAZARINI PRESBYTERO ROMANO
S. T. D. & Theologicæ Academicæ Socio.



ROMÆ

TYPIS BERNABO', ET LAZARINI.
PRAESIDUM FACULTATIS.

THE JOURNAL OF THE ROYAL ANTHROPOLOGICAL INSTITUTE

Volume 100, Part 1, 2000

Edited by
Professor Sir John Clutton-Brock

Published by
Blackwell Science Ltd

Subscription prices (per volume)
£120.00 (UK) / \$240.00 (USA)

Single issues
£12.00 (UK) / \$24.00 (USA)

Advertising rates
£100.00 (UK) / \$200.00 (USA)

Back volumes
£120.00 (UK) / \$240.00 (USA)

Copyright © 2000 Blackwell Science Ltd

Printed in the United Kingdom
by Blackwell Science Ltd

SANCTISSIMO DOMINO NOSTRO
CLEMENTI XIV.
PONT. MAX.

PETRUS PAULUS LAZARINI
FELICITATEM.




*ON tam consuetudini pareo ;
quam officium persolvo , PATER
BEATISSIME , quum hanc Ora-
tionem , quae proprio quodam jure tua esse de-
buit , tuo nomini consacro . Cur enim aut tibi
non referam , aut tuum non dicam quod ad eam
Christianae Reipublicae Unitatem ornandam
pertinet , quam adeo & amas , & colis , ut si-*

*cut plurimis virtute, dignitate omnibus excel-
 lis, ita hujus sanctissimi foederis studio, &
 loci honorem, & caeterarum virtutum gloriam
 superasse quodammodo videaris? Multa quidem
 sunt, atque praeclara, quae quum oculos no-
 stros in te conjicimus in subitam quamdam ad-
 mirationem traducunt; sed ut ad istam conso-
 ciationis, & paucis conservandae sollicitudinem
 cogitationem referimus, non dubitamus, quin
 caetera copiae sint, atque adjumenta, quibus
 te Deus Optimus Maximus exornatum voluit,
 ut ad Unitatis custodiam instructior accederes.
 Quum igitur tantum possis praesidio virtutis
 tuae, & pacis amore tantum velis, jam ex-
 perimento comperimus in negotio pacis admi-
 nistrando nihil adeo esse difficile, quod & ista
 tam egregia voluntate suscipi, & tantis virtu-
 tum opibus confici non possit. Sed ut eo re-
 vertar, unde me idem Unitatis ardor, & quasi
 aestus abripuit, tua est haec Oratio, qua il-
 lud in Sede Petri dignitatis ornamentum lau-
 davi, cujus amor inter eximias dotes tuas
 principem locum tenet. Unum est, quod &
 meum*

meum nollem, & tuum esse certe non debet, impolitum scilicet dicendi genus quod nec Petri laudibus celebrandis idoneum fuit, nec tanti Pontificis sapientiae dare ipsum se in conspectum decet. Qua tamen es humanitate PATER BEATISSIME non quid praestiterim, sed quid optarim reputabis, & causae dignitate contentus aequiori animo feres quod oratoris inscitia peccatum est. Laus erit Clementiae tuae si Apostolica me Benedictione catholicae Unitati & Origini ejus arctius conjunges.





O R A T I O.



EVOCEMUS NOS PATER BEATISSIME,
ad originem felicitatis nostrae, &
quoniam quidquid in nobis sanctum
est, totum de Ecclesiae unitate per-
cepimus, unitatem ipsam repeta-
mus. Egit haec in Cathedra Petri
radices suas, inde & in Apostolorum

Principem ornamenta adeo praeclara, & in nos tanta
cum pace bonorum copia dimanavit. Si unitatem dili-
gimus, si unitatem quaerimus in istam Cathedram &
oculos & mentem nostram convertamus.

Sed ut paulo altius ordinari, atque ex ipso fonte rei
demonstrandae initium repetam, unitas naturae bo-
num est, atque ita adhaeret singulis, ut recte a Boë-
tio (1) dictum putem = omne quod est tamdiu manere,
atque

(1) Lib. 3. de Cons. Philos. prof. 11.

(VIII)

atque subsistere quamdiu sit unum = Quapropter quum Deus Ecclesiam suam super firmam petram forti, & inconcussa stabilitate fundatam supra rerum humanarum conditionem evexisset, quam perpetuam constituit unam effecit, & regnum ejus, quod finem non esset habiturum concordiae, & unitatis robore munivit. = Una est ergo columba Domini, & una perfecta ejus. (1) = Haec nupta jam Creatori suo cum ipso dominatur a mari usque ad mare, & a flumine usque ad terminos orbis terrarum (2) Quam infinita ditionis amplitudo! quam ingens hominum copia! quam admirabilis morum varietas! Una est tamen columba Domini, & una perfecta ejus. = Quomodo solis multi radii, aiebat Cyprianus (3), sed lumen unum, & rami arboris multi, sed robur unum tenaci radice fundatum, & quum de fonte uno rivi plurimi defluunt numerositas licet diffusa videatur exundantis copiae largitate, in origine tamen servatur Unitas = O sanctam Unitatis Originem! O Petri praeestabilem Cathedram! ex qua tam fulgida radiorum copia, tam invicta roboris firmitas, tam salutaria in sponsam Christi legum & doctrinae fluentia dimanarunt. Dicam audacter, quia vere dicam. Nisi haec in Ecclesia Sedes immota persisteret Ecclesiam nullam haberemus. Neque enim Ecclesia esse potest, quae una non sit, neque una jam foret Unitatis Origine destituta. Et miramur tam firmam Romanae Cathedrae in retinenda religione constantiam, tam effusam in Christianorum moderanda Republica auctoritatem! Unitatis origo est non potuit ab ea Fide deficere, qua Ecclesiae Unitas constat: Unitatis vinculum est, nec multum sane provisum diceres, si quid-

(1) Cant. 6. 8. Una est columba mea, perfecta mea,

(2) Psal. 71. 8.

(3) Lib. de Unit. Eccl.

si quidpiam roboris deesset quo Unitas ipsa firmaretur. Jam tibi in mentem venit, PATER BEATISSIME, non solum quae a me commemorata sunt, sed longe esse plura, quibus haec Sedes, quam tu divinis prope manibus elatus ascendisti, in celsissimum honoris & auctoritatis locum provecta est. Sed haec ornamenta Piscatoris adeo eximia, adeo praeclara, quid tandem sunt, nisi propugnacula quaedam, atque praefidia, quibus munivit Deus & circumsepsit Jerusalem suam, ut una permaneret? Ecclesia scilicet corpus Christi, & qui Christianorum nomine censentur sunt membra ejus. Quod aspectabile corpus aspectabili capite carere non decuit uni commisit Dominus vices suas, ut praeesset corpori, & membra caetera in officio contineret. Cavendum quidem ne a capite membra distraherentur, in corpore enim esse non poterunt. Sed caput reliquis antebatum est, ut dum partes singulae uni obsequuntur de toto corpore utilitatem percipiant, & corpus quod ex omnibus constat unum omnibus esse possit. Regnum Christi Ecclesia illius; & quando in hac hominum imbecillitate nemo erat consilio, aut viribus tam potens, ut tantis rebus administrandis sufficeret, regnum moderatur ipse, qui instituit. Neque enim nisi divina virtute factum est, ut Ecclesia Christi pressa bello tam pertinaci, tam late diviso atque disperse, nec diuturnitate labefactari, nec fraudibus capi, nec vi, & armis opprimi posset. Manet scilicet, ac pugnat nobiscum Deus quamquam se a nobis videri non sinat; Verum ut Rege latente viva Regis quaedam imago ante oculos nostros obversaretur, ut esset quem alloqui coram, & monentem audire possemus, Servum praefecit, non qui

faeyi-

faeviret tyrannica licentia , qua reges gentium dominantur eorum ; Sed qui Unitati prospiciens , & veluti = in speculis a Deo constitutus , ut quidam ajebat e De-cessoribus tuis (1) , & quae coercenda sunt refecaret , & quae observanda sanciret = . Quid plura ? Ecclesia navis est , ovile est . Unus in navi gubernator , in ovili pastor est unus . Non itaque gubernacula usurpet qui cupit praecavere naufragia : non ovis sibi pascua deligat , si veneni contagionem formidat . Sed ubi caput ? ubi dispensator fidelis ? ubi gubernator & pastor ? Nonne ipsa haec templi hujus augustissima dignitas , me etiam tacente respondet , in loco quem elegit Dominus , in Cathedra , quam Petrus ascendit in illa tantae potestatis consedissem amplitudinem , quia in illa concordiae & Unitatis radix jacta est ? Videant ne proscripti , videant ne extorres sint a regno Christi , qui Petri procuratione posthabita Regis auctoritatem contemnunt in eo quem ipse constituit super familiam suam . Jura enim , mihi credite , ac dotes illae animi praeclarissimae , quibus in Sanctorum societate potimur , tam arcte cum Petri folio cohaerent , ut qui ab illo recesserit , caetera vel abdicasse panitus , vel in sui tantummodo perniciem retinuisse videatur . Annon & ista Fides qua Christiani sumus , aut evanescit unitate relicta , aut collapsa jam & exaristis jacet ? De Charitate quid dicam ? Est haec pacis virtus amantissima , discordiarum turbines & procellas averfatur , perfugit , exhœrescit . In Ecclesia nascitur ,

(1) S. Coelestinus *ep. 4. num. 1. tom. 1. epist. RR. PP. ed. Coust. col. 1066.* Nec silere possumus quum hoc (*al. ad hoc*) ut ab illicitis revocemus aliquos officii nostri provocemur instinctu , in speculis a

Deo constituti , ut vigilantiae nostrae diligentiam comprobantes & quae coercenda sunt refecemus , & quae observanda sunt sanciamus .

scitur , in Ecclesia enutritur , & in Unitatis sinu quasi in domestica laetitiae , & securitatis statione conquiescit. Dum ergo Charitatem memorant peregrina nomina , usurpant , qui defectionis , & arrogantiae societates conflantes hujus Sedis imminuere majestatem , atque adeo statum Ecclesiae convellere moliuntur . Majores nostri sinceri illi , & germani Charitatis amatores , ne ab ista , quam impense colebant dilectione deficerent , Unitatem servarunt , adhaeserunt Cathedrae Petri , & aestuante schismatum flamma in hac Sede arcem munitissimam incendio , & periculis omnibus imperviam invenerunt . Noverant illi (1) = schismaticum esse , & peccatorem , qui contra singularem Cathedram alteram collocaret = , nec oportere ut (2) qui Cathedram Petri supra quam fundata est Ecclesia deserit in Ecclesia se esse confidat . Hanc ergo & nos quieti & modesti unitatis & pacis amatores animo suspicimus , veneramur obsequio & quo possumus praeconio vocis extollimus . In hac cum tota Ecclesia conjungimur , in hanc advocamus qui ab Ecclesia olim desciverunt , ut sit jam = Sacerdoti plebs adunata , & Pastori suo grex adhaerens (3) = . Atque utinam sit discordiarum finis aliquando , & in una Petri Fide , & Sacerdotis unius obsequio a diutinis de religione dissentionibus conquiescamus . Quod si humana infirmitas deterret animum , & in tantae felicitatis expectatione spem nostram debilitat , deprecato-rem , assertoremque pacis te appellabimus Petre . Tu istam ,

(1) S. Optat. l. 2.

(2) S. Cyprian. ex Pelag. II. in ep. ad Epif. Isthiae olim 1. num. 3. Vide Constant. in prima parte Praefat. tom. 1. Ep. RR. PP. num. 3. pag. iv. & seq. ubi genuina

esse , & ad Cypriani sententiae integritatem pertinere haec verba ostendit .

(3) S. Cyp. ep. 66. ed. Oxon. 69. ed. Maur. illi sunt Ecclesia plebs Sacerdoti adunata , & pastori suo grex adhaerens .

(XII)

istam, quae tua est Unitatis Originem custodi . Tu discordes Christianorum animos compone . Hunc praesertim in quo adhuc vivis , & praees Unitatis , & concordiae vindicem solertissimum , sospitem diu praesta , & incolumem ; Te adjutore coelestis illa virtus , quam haecenus praesentissimam sensit , propria huic maneat atque perpetua : Te vocante dispersas olim , & luporum excursionibus dissipatas oves in Christi gregem compulsas , & congregatas aspiciat , ut quum in tua Cathedra Unitatis Originem , & unum omnes in illa sedentem Pastorem agnoverint cum ipso sit unum ovile .



D E
CHRISTI DOMINI
REVIVISCENTIS GLORIA
O R A T I O

Habita Decimo Kal. Majas anno MDCCXCIV.

IN SACELLO PONTIFICIO VATICANO

A B

ANGELO MARIA RICCI

PATRITIO ROMANO

COLLEGII NAZARENI CONVICTORE.



R O M A E
EX TYPOGRAPHIA JOANNIS ZEMPEL
SUPERIORUM PERMISSU.

THE JOURNAL OF THE

AMERICAN MEDICAL ASSOCIATION

PUBLISHED WEEKLY

CHICAGO, ILL., U.S.A.

1918

VOLUME 17, NUMBER 1

PIO SEXTO

PONTIFICI VERE MAXIMO.

ANGELUS MARIA RICCI

FELICITATEM.



Egeneres deterrimosque impietatis fœtus , seu verius monstra quæ a depravato planeque insaniante certorum hominum ingenio prodierunt difficillimis hisce temporibus , istam imprimis supremam atque inconcussam veritatis sedem impetere in confesso est, Teque adeo

ipsum qui divino consilio emines constitutus ejusdem veritatis candori facto tecto-
que servando adversus omnem obtrectato-
rum conatum atque impudentiam. Quan-
ta vero integritate, quantaque constantia
hactenus semper expleveris Tibi commissas
gravissimi & augustissimi muneris partes,
ea jampridem famæ celebritate est pervul-
gatum, ut populis florentissimis summisque
Regibus admirationi fueris, dignusque ha-
bitus quem auctorem sequerentur omnes de
christiana æque ac civili Republica bene
sentientes. Norunt enim insignem Te mo-
derationem ac prudentiam cum invicta ani-
mi virtute ita conciliasse; ut nulla vis, nul-
la etsi effrenata audacia quidquam detra-
xerit de principatus certissimo jure, Tibi-
que ad tuendum ac disseminandum concre-
ditæ cœlestis doctrinæ sanctitate. Porro
cum amplissima mihi fuerit demandata pro-
vincia coram Te dicendi de miro jucundis-
simoque Christi triumpho in immortalem
vitam

*vitam restituti; in eo planè mihi visa est
humana pariter ratio quodammòdo trium-
phare: quippe quæ jam tum a rerum exor-
dio criminis labe corrupta & in nequissi-
mum quemque errorem per fastum exinde
atque insaniam abrepta a redivivo æter-
ni Patris Filio feliciter traducta fuerit ad
pristinam incolumitatem ac lucem integer-
rimæ veritatis. Quod quidem ubi primum
aggressus sum oratione perficere, illud mi-
hi ultro occurrit; Te cum verborum pon-
dere ac sententiarum, tum maxime factis
eximiis & luculentis ostendisse qua tandem
ope ea tot licet jamdudum impiorum ho-
minum machinationibus oppugnata, tot
inanis philosophiæ thecnis circumventa pos-
set tamen salva & inviolata consistere: si
nempe proposita sibi ad imitandum muni-
ficentissimi Instauratoris sui mansuetudine;
sublatoque improbæ arrogantis æstu, ac
profanæ sapientiæ fuco discusso, promptam
& docilem divinis fidem adhiberet oracu-*

lis. Quid ni igitur Tibi uni devoverem
tenuem hunc contentionis ac diligentiae
meae fructum, quem res me ipsa ad-
monebat, tuam potissimum spectare in
christiano grege pascendo moderandoque
maturam oppido ac solertissimam discipli-
nam? Interim vero pro virium mearum
imbecillitate animo despondentem ad au-
dendum hortabatur comitas illa & clemen-
tia tua singularis, qua neminem ad te ac-
cedentem rejcere consueveris, omnibus au-
tem praesto esse ingenii industriaeque pericu-
lum quoquomodo facere conantibus. Uti-
nam divina Providentia Te nobis &
christiano Orbi universo diu sospitem tuea-
tur ac praestet. Ita sane & catholicae Re-
ligioni validissimum praesidium minime de-
futurum pro certo habeo, & mihi meisque
rebus humanissimum beneficentissimumque
auspicem & patronum confido.



O R A T I O



Unestissima ætatum omnium
& hujusce præsertim nostræ
experientia novimus compro-
bari miserum illud ac deplo-
randum effatum: nihil esse
tam sanctum quod humana sæpenumero
pravitas non violaverit, nihil tam eximium &
salutare, quo plerique mortalium impotenti
æstu abrepti insanientium cupiditatum in sui
aliorumque perniciem non abutantur. Quid
enim eis a Deo Optimo Maximo datum est
ratione præstantius ac magnificentius; qua
quidem non cæteris solum etsi amplissimis
creatis rebus longe antecellant, sed ipsius-

met supremi Conditoris quandam præferre imaginem videantur? Atqui tam præfenti tamque singulari divinæ munificentiae dono plerumque ufi sunt homines ad improbis motibus liberius obsequendum, ad scelera perpetranda impunius, ad sanctissima quæque jura in pejorem partem detorquenda & penitus depravanda; potissimum autem ad corrumpendas ac ferme delendas expressas Religionis notas omnium mentibus natura inditas & miro pulcherrimoque universi Orbis spectaculo quotidie ingestas atque instauratas. Nonne vero huic imprimis incommodo, quod certe summum est & quasi caput cæterorum, occurrit ejusdem rationis Dator mitissimus ac liberalissimus, cum exquisitis suppliciis & infanda morte perfunctus in vitam est revocatus nullo unquam tempore defecturam? Tum enim maxime rationem ægram recreavit, abjectam erexit, in transversum actam & per cœcos errorum anfractus temere aberrantem, ni-

tidissima veluti oblata face , adduxit ad spectatissimæ veritatis callem tuto firmiterque insistendum . Utinam fortissimus idem mortis ac tenebrarum principis Triumphator hanc ipsam ita in me velit ad dicendum regere & confirmare oppido egregiam mentis vim ac facultatem , ut tam gravi & cordato cuique homini tam jucundo valem argumento parem orationis copiam ac dignitatem adhibere .

Quod humanæ rationi adhuc integræ & plenam in totum hominem potestatem nativo proprioque jure exercenti misero ac fatali extitit offendiculo ad Dei leges contemnendas , improvida scilicet mentis elatio ab insignis & ferme divinæ scientiæ comparandæ spe ac studio profecta(a) : illam itidem a rectâ officii & honestatis norma ad iniquissimum quodque facinus in omne reliquum tempus avocavit ; eoque

a 5

levi-

(a) Gen. c.3. v.4. segg. Vid. c.30. & de Lib. Arbit. L. III. S. August. de Gen. ad Lit. L.II. c. 24.

levitatis impulit atque adeo insanix, ut possit habito intemerata Religionis candore ineptissima impiæ superstitionis monstra confectari palam non erubesceret. Mihi quidem post immanem aquarum omnem terrarum ambitum populantium illuviem humanum genus diversis jam & inter se distinctissimis plagis dispersum & propagatum animo reputanti quædam se offert vecors atque efferata mortalium turba hac illac passim belluarum instar errantium, qui cæco rapiantur naturæ impetu, nullo sibi proposito agendi consilio & disciplina (b). Hic immundo quadrupedi aut obscenæ volucris colendæ exorandæque nuncupari vota & victimas immolari video: illic informi trunco vel lapidi impurum thus adoleri: sacras modo ædes scenicis saltationibus & lascivientibus numeris celebrari: aras mo-

do

(b) V. *Discussione accademica e critica delle due potestà spirituale e temporale del* Conte Giuseppe Recco. Rom. 1793. pag. 58. segg.

do humano sanguine redundare (c). Quid improvida furentium foeminarum orgia commemorem, quid incompósitos Corybanthum motus, quid Saliorum & Luperorum profanos atque impudentes excursus (d)? Quid innumeros alios sacrorum ritus ad futilem ac monstrosam divinitatis speciem ingerendam prope factos; ad omnem videlicet divinæ naturæ notionem penitus expungendam? Porro cur nam putemus hanc pestiferam luem humanam mentem invasisse? Unde hæc tam demens tamque consilii expers de re gravissima cogitandi judicandique ratio dimanavit? Ab inflicto certe per luctuosam illam communium humanæ sobolis parentum defectionem omnium animis acerbissimo vulnere, præsertim vero ab immodica planeque effreni de rebus, quæcunque tandem eæ forent, inquirendi atque pro libito decernendi libidine,

(c) Psal. 105. & Sap. c. 14.
v. 23.

(d) V. S. August. de Civit.
Dei.

dine, qua homo nihil sibi esse impervium existimaret, nihil quod non ratiocinando assequi posset atque perspicere. Ex quo procul dubio factum est, ut quidquid mentis suæ aciem fugeret & intelligentiæ facultatem superaret, cum eadem pugnare atque adeo nusquam existere perperam autumarit. Quî porro cogitatione fatis comprehenderet (c) purissimum spiritum nullo temporum spatio, nulla locorum dimensione circumscriptum, qui omnia quæ vellet voluntate ipsa perficeret; hanc autem unam agendi normam & rationem haberet propositam, quin aut in cognoscendo a veritate, aut in deliberando a consilio, aut in exequendo a præstantia numeris omnibus absoluta minimum deflecteret, vel deflectere unquam posset: qui præterita æque ac futura cum præsentibus simul inspiceret, quique rerum maximarum itemque pul-

cher.

(c) 1. Cor. c. 2. v. 14.

cherrimarum Opifex sapientissimus sibi idem unus sufficeret : tum Orbem qua late patet universum, ejusque singulas partes tueri ac regere nunquam desinens in se tamen apprimè securus placidissime conquiesceret? His igitur aliisque innumeris omnigenæ virtutis atque excellentiæ argumentis, quæ in Deum certissime convenirent, assequendis impar hominis ingenium eidem cuncta detrahere, multa vero a sensuum & materiæ penu deprompta perperam affingere, quæ vel angustos creatæ naturæ fines nequaquam præterirent, vel humanam indolem atque imbecillitatem fa-
perent, vel ab ipsa naturalis prudentiæ & honestatis notione, nedum ab infinitæ præstantiæ apice prorsus abhorrerent (f).

Refugit animus ea reminisci vanissima juxta atque in omnem impietatem projecta opinionum portenta quæ hac nostra

etate

(f) V. Lib. Sap. c. 13. segg. & Tertull. de Prescript. c. 7.

ætate invaluerunt apud nationes etiam celeberrimas omnique artium cultu florentissimas, quæque omnium adhuc oculis obversantur. Quorsum vero hæc tanta tamque subita humanarum divinarumque legum & officiorum perturbatio? Quorsum improvida & luctuosa omnis cum publici tum privati juris inversio? Quorsum vel ipsamet Dei notio mortalium animis altius infixæ & communi populorum consensione jam tum a remotissimis sæculis consignata aut vocata in dubium, aut omnino deleta? Quod scilicet certi homines quodam mentis, quo valerent acumine, sibi unice placentes, profanæque doctrinæ opibus præter modum omnem tumidi atque lymphati nihil non rationi tribuendum, eamque habendam quasi pro numine censuerunt (g). Hinc sapientissima quæque veterum placita atque instituta infra pueriles nugas amandare,

(g) Sap. c. 17. v. 1.

dare , religionis quantumvis integerrimæ solidissimisque nixæ fundamentis ritus probatissimos levitatis ac superstitionis arguere: Dei providentiam tanquam moderandæ rerum summæ vel imparem vel supervacaneam abiicere , Ejus potentiam & majestatem imbecillitatis ac metus inane commentum palam jactare : novam prorsus morum disciplinam , administrandæque Reipublicæ methodum veluti ex tripode indicare : jus naturæ ac gentium post hominum memoriam inauditum invehere , omne videlicet societatis vinculum, & Religionis frænum dissolvere , sacra omnia & profana invertere ac permiscere (h). O maximam deterrimamque temporum iniquitatem ac labem ! O miserrimam humanæ rationis conditionem , quæ dum sibi plus æquo indulget , & ultra fines licentius grassatur ei providentissime constitutos, in

meri-

(h) V. la citata Discuss. accademica e critica delle due potestà spirit. e temp. pag. 396. segg.

meridiana etiam luce passim offendit, & umbram pro corpore, pro veritate mendacium, pro rebus somnia persequitur ineptissime. (i)

Verum immortales bonorum omnium Largitori gratiæ habeantur, qui acerbissimæ istiusmodi calamitati, si quando alias, opem tulit præsentissimam, cum de subacta morte, ac inferorum tyranno triumphum egit pulcherrimum oppido atque admirandum. Per eum siquidem homines apertissimis una firmissimisque argumentis convicit suos rationi esse limites præfinitos, intra quos nisi sese apprime continuerit, in præceps agi ac fœdissime ipsam dilabi necesse est: res creatas a divinis eo usque distare, ut nihil utrisque commune vel simile aut existere aut confingi ullo modo possit: nullum propterea mortalibus patere aditum ad hæc investigandas aut quo-

(i) Sap. c. 13. v. 1.

quomodo cognoscendas: ubi de his sermo fit (quod summi etiam acutissimique Philosophorum (k) optime norunt & inculcarunt) nihil illis reliquum esse, nisi ut ea firmiter teneant de certa eorum ratione intimaque natura vel minimum inquirentes (l).

Et quidem quis tandem persuasum haberet, Deum cum homine arctissime sociatum corpus infirmum & corruptioni natura ipsa obnoxium induere, atque adeo omnes vitæ ærumnas ac vicissitudines mortemque demum obire posse turpissimam atq: atrocissimam? Quid ab omni creatæ mentis captu magis alienum, quam ipsum justitiæ Fontem supremumque cœli ac terrarum Moderatorem atque Arbitrum improbum vulgo traduci: non unius flagitii apud profanos iudices insimulari: capitali sententia damnari, extremo supplicio cum

men-

(k) V Leibnit. ragionam. sulla umana ragione.

la conformità della fede coll' (l) 2. Cor. c. 10. v. 5.

iniquissimis grassatoribus impune affici? (m)
 Quid tum, si hæc eadem & non pauca
 hujus generis alia cum iis conferantur,
 quæ gesta sunt postquam Christus a
 somno mortis est felicissime revocatus?
 Cum is quidem posset & videri & tan-
 gi & contrectari, morbo aut dolore la-
 borare, vi & injuria violari, hebescere
 aut corrumpi nequaquam posset: cum
 membra ejus partibus ut antea ex mate-
 ria concretis coalescerent, neque tamen
 certo accomodari cogerentur loco, neque
 ullo usquam obstaculo continerentur. Pro-
 deat nunc humana ratio, & hæc tam invi-
 cem dissona tamque discreta subtilius ar-
 gutando componat. Quod si noverit in
 eo frustra se niti, pudeat ipsam aliquan-
 do apertissimæ veritati pervicaciter refra-
 gari, ejusque penitus contemplandæ per-
 cipiendæque sibi deesse facultatem ultro
 fateri

(m) 1. Cor. c. i. v. 23.

fateri non vereatur. Christi potius discipulos sequi duces auctoresque gloriatur, qui cum primum Magistrum suum in novam rediisse vitam a piis mulieribus acceperunt; omnem repente, si quam conceperant animo super divinis ejus oraculis, dubitationem abjecere. Cum Thoma saltem ambigere mature definat Deum ipsum ac Dominum vix dum oculis oblatum exclamantem; & arcana per eum traditæ Religionis dogmata tot jam tamque luculentis testimoniis clarius comprobata, quam si forent ad inspectandum propofita, rata habere & coram prædicare aggrediatur. Huc profecto inprimis spectavit divini Reparatoris gloria inaudito prorsus miroque modo reviviscentis. Hoc præ cæteris efficacissimo usi sunt argumento Apostoli ad densas ubique locorum improbi & obfirmati erroris tenebras dissipandas: hoc freti superbientem philosophiam lateque animis dominan-

tem victas dare manus coegerunt (n).

Quid, si redivivus æterni Patris Unigenitus validissima quæque mortalibus subsidia comparaverit ad catholicam veritatem ultro amplexandam ac firmissime retinendam? Illud jam unum meminisse sufficiat insigni ejus admirandoque triumpho acceptum referri oportere cœlestis ignis donum eximium & saluberrimum, per quem charitas Dei diffusa est in cordibus nostris (o), charitas inquam illa cuius est, S. Paulo confirmante, nullo ambitionis unquam motu effèrri, nullo fastu aut arrogantia intumescere (p), mansuetudinem ac docilitatem profiteri, de se suisque demissè rebus sentire: quæ Deo loquente didicerit, eis promptam firmamque fidem habere (q), atque ita ædificare & committere quidquid profana scientia

labo-

(n) V. Act. Apost.

(o) Rom. c. 5. v. 5.

(p) 1. Cor. c. 13. v. 4. & 5.

(q) Ibid. & v. 7.

labefactatum fuerit atque dissectum (r). Hac plane flamma nitidissima coruscante, id rite intelligimus, quod oculus non vidit, nec auris audivit, nec in cor hominis ascendit (s): sapientiam nempe Dei callemus in mysterio quæ est abscondita, (t) eam vero quæ stultitia est apud Deum (u) exuimus atque despiciamus: fidem proinde illam sequimur ducem quæ non in sapientia hominum sed in virtute Dei sita est (x); non in fallaci pondere sententiarum & in vacua magniloquæ orationis copia, sed in ostensione spiritus & virtutis (y).

Utinam inter innumeras & quotidianas, quibus mortalis vita scatet, salebras & offendicula hanc unam constantissime persequantur quicumque christianæ militiæ nomen dederint. Utinam quotquot ab ea-

dem

(r) 1. Cor. 8. v. 1.

(s) 1. Cor. v. 9.

(t) Ibid. v. 7.

(u) Ibid. c. 3. v. 19.

(x) Ibid. c. 2. v. 5.

(y) Ibid. c. 2. v. 4.

dem per insolentem disputandi cogitandi-
que licentiam fœde ac miserabiliter defe-
cerunt, in hanc oculos atque animum ma-
turent intendere; ut suis contenta finibus
humana ratio in alienos minime audeat in-
vadere ad perniciem & dedecus sempi-
ternum; purissimamque intaminatæ veritatis
facem, quam redivivus Dei Filius extulit
jacentibus in funesta mortis caligine, fidis-
simam semper rerum suarum moderatri-
cem & normam habere contendat.



I M P R I M A T U R,

Si videbitur Reverendissimo Patri Magistro Sacri Palatii Apostolici.

F. X. Passari Vicegerens.



I M P R I M A T U R,

**Fr. Thomas Vincentius Pani Ordinis Praedicatorum
Sacri Palatii Apostolici Magister.**

